



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Cap. CX. Alia Qvotidie Celebrantium exempla.

urn:nbn:de:hbz:466:1-42349

ALIA QVOTIDIE CELEBRAN-
tium exempla.

N Arrat historiam S. Gregor. homil. 37. in Euangelio
Multi, inquit, fratres charissimi Cassium Naruiensis
mbræ Episcopum nouerunt: cui mos erat quotidianas Deo ho-
stias offerre, ita vt penè nullus dies vitæ eius abscederet, quo non
omnipotenti Deo hostiam placationis immolaret. Cui cum sa-
crificio valde etiam concordabat vita. Nam cuncta quæ habe-
bat, in elemosynis tribuens cum ad horam offerendi sacrificii quodam
venisset, velut totus in lachrymis defluens, semetipsum cum ma-
gna cordis contritione mactabat. Cuius & vitam & exitum à quo-
dā venerabilis vitæ Diacono, qui fuerat ab eo nutritus referente
cognoui. Aiebat enim quod quadam nocte eius presbytero per
visum Dominus astitit dicens: Vade & dic Episcopo: Age quod
agis: operare quod operaris, non cesset pes tuus, non cesset ma-
nustua: natali Apostolorum venies ad me, & retribuam ti-
bi mercedem tuam, sed & secunda vice à Domino admonitus,
tertia etiam vapulauit, & sic oraculi verba Episcopo indicauit.
Quibus auditis, Episcopus se in orationem cum magna cordis
contritione prostrauit, & qui oblaturus sacrificium, ad horam
tertiā venerat, hoc pro extensa orationis magnitudine, ad ho-
ram nonā vsque protelauit. Atq; ex illo iam die magis ma-
gna aucta sunt ei lucra pietatis. Factusq; est tam fortis in ope-
re, quam certus ex munere: quippe qui eum cui ipse debitor fue-
rat, ex ea promissione iam coeperat habere debitorem. Et ecce
anno septimo vsque ad expectati natalis sacras vigilias incolu-
tus peruenit, sed leuis hunc in vigiliis calor attigit, atque ipso
die natalitio filiis suis se expectantibus Missarum solennia im-
plere se posse recusauit. Illi vero qui de eius erant pariter egres-
sive suspecti, simul ad eam omnes venerunt, sese vnanimiter
adstringentes, vt die eodem nequaquam acquiescerent Missarum

Quotidianæ
sanctitatis
studium cū
sacrificio iū-
gendum,
Probat &
commendat
assiduissimū
sacrificium
Christus.

Oracula cer-
ta sed ab-
strusa.

solennia celebrari nisi pro eis apud Dominum idem Antistes suus intercessor accederet. Tum ille compulsus in Episcopi oratorio missas fecit, & manu sua corpus Dominicum pacemq. omnibus tribuit. Qui cuncto ministerio oblatus sacrificii peracto ad lectulum rediit, ibiq. iacens dum sacerdotes suos ac ministros circumstetisse cerneret, quasi vale ultimum dicens, de seruando eos vinculo charitatis admonebat, & quanta debuissent concordia inter se vniri predicabat. Cum subito inter ipsa sancta exhortationis verba, voce terribili clamaui dicens. Hora est. Moxq. assistentibus ipse suis manibus linteum dedit, quod ex more morientium sibi contra faciem tenderetur. Quo tenso spiritum emisit, sicq. sancta illa anima ad gaudia eterna perueniens a carnis corruptione soluta est. Quem fratres charissimi, quem vir iste in morte sua est imitatus, nisi eum quem in vita sua fuerat contemplatus? Dicens enim hora est, de corpore exiit, quia & Iesus peractis omnibus, cum dixisset consummatum est, inclinato capite tradidit spiritum. Quod ergo Dominus ex potestate, hoc egit famulus ex vocatione. Ecce quotidiana hostia, illa cum eleemosynis & lachrymis missa legatio, quantam cum Rege veniente gratia pacem fecit. De eodem S. Cassio fert B. Gregor. libr. 3. dialog. cap. 6. quod Regis Totile ensiferum oratione facta, signo crucis a Damone liberauit. Discat Sacerdos isto exemplo quæ sit optima ad frequens sacrum & incertam mortem preparatio.

Quotidiani
sacrificii ele-
emosyna &
lachrymati-
onis fructus

S. S. Vulphelmus Glabacensis Abbas vnicam nostræ salutis hostiam singulis diebus immolabat, nec in itinere pratermisit. Surius in ejus vita 22. Aprilis. S. Hermelandus Abbas Antrensis sacerdotio initiatus, tanta erga sacrum illud ministerium animi deuotione ferebatur, vt quotidianum Deo sacrificiū studiose offerens seipsū pariter maceratione sui corporis hostiæ vinū eidē præpotenti Domino exhiberet. Sur. 25. Mart. De S. Goare Presbytero in eius vita apud Suriū 6. Iul. l. 1. 49. 3. Erat eius solennis consuetudo, vt omni die sacrificium corporis & sanguinis Christi pro statu Ecclesiæ offerret.

S. S. H.

§. S. Guduualdus Archiepiscopus, vt est in eius vita apud Surium 6. Iulii, solebat Missas assidue celebrare, & ad id ieiuniis, vigiliis, precibus, & magna se puritate preparare, descendere ad cum Angeli sancti, & vnà cum illo laudes deprompsere Deo ingentireuerentia.

§. S. Thomas Aquinas Angelicus, Doctor aduersa valetudine non impeditus quotidie sacrificium Missæ obtulit, & alterius Sacerdotis sacro interfuit, cui vt plurimum inserviebat, sub ipso autem sacrificio tanti Sacramenti amore ebrius, non raro in eum rapiebatur, totus lachrymis persusus. In vita illius apud Surium 7. Martii. Habent Theologi præcellentissimum Doctorem, quæ crebro & pie celebrando æmulentur.

§. S. Laurentius Iustinianus Patriarcha Venetus, vt in eius vita scripsit Bernardus Iustinianus cap. 9. apud Surium 8. Ianuar. ex quo die factus est Sacerdos in singulos dies, nisi morbo prohiberetur, sacris operabatur. Solebat enim dicere: Quod quis cum posset Domino suo frui, non frueretur, facile se declararet Domini sui curam non habere.

§. Qui ergo hoc iuge sacrificium tanquam solem è mûdo tollere frustra conantur, nonne Antichristi sunt antambulones censendi? Antichristus enim iuxta S. Danielis vaticinium cap. 8. v. 12. 13. cap. 11. v. 31. cap. 12. v. 11. iuge auferet sacrificium.

§. Ego verò hic mihi gaudeo & omnibus societatis Iesu Sacerdotibus quotidie rem diuinam facientibus congratulor, ad quod suaue iugum & leue onus hac lege attinguntur: Ita viuere studeant, vt quotidie merito celebrare possint: ad quod conducet sapius in hebdomade confiteri. Vtrumq; ab omnibus diligenter & religiosè præstatur. Quod & alii religiosi Ordines & pii Sacerdotes præstant, quibus sapientibus (absit inuidia verbo) occasionem dedit B. Pater noster

Ignatius, & addita est illis sapientia. Proverb. 9. vers. 9.

R 4 C A P.